



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01/14-11-7339-4/24
Sarajevo, 11.11.2024. godine

Informacija o Pregovaračkom postupku bez objave obavještenja o nabavci

U skladu sa članom 28. stav (4) Zakona o javnim nabavkama BiH („Službeni glasnik BiH“ broj: 39/14, 59/22 i 50/24) Grad Sarajevo objavljuje informaciju, a shodno članu 24. tačka a) Zakona o javnim nabavkama BiH da provodi pregovarački postupak bez objave obavještenja o nabavci za izvođenje dodatnih radova za rekonstrukciju vrtića Kolibri.

Dana 23.04.2024. godine, zaključen je Ugovor o izvođenju radova „Rekonstrukcija vrtića Kolibri“ u okviru postupka zajedničke javne nabavke između Grada Sarajeva broj: 01/14-11-7235/23 od 23.04.2024. godine, Ministarstva za odgoj i obrazovanje Kantona Sarajevo broj: 11-11-25649-7/23 od 23.04.2024. godine kao i Općine Novo Sarajevo broj: 09-11-4-4172/24 od 23.04.2024. godine, sa ponuđačem ITC ZENICA d.o.o. broj: 2797-24/P od 23.04.2024. godine, sa ukupno ugovorenom vrijednošću izvođenja radova u iznosu od 2.388.084,00 KM bez PDV-a, odnosno 2.794.058,28 KM sa PDV-om.

Budući da se prilikom izvođenja istih ukazala potreba za dodatnim radovima, a koji se odnose na bravarske radove, radove demontaže i rušenja, radove toplinske izolacije, hidroizolacije, molersko-farbarskih radova, čelične konstrukcije kao i ostalih radova te ugovaranje viškova količina radova, to je očigledno da je u konkretnom slučaju neophodno provesti zakonske procedure kako bi se dogovorili radovi koji su neophodni za završetak ovog projekta, a koji se nisu mogli predvidjeti u vrijeme pokretanja predmetnog postupka javne nabavke.

U vezi sa naprijed navedenim, a u pogledu utvrđene neophodnosti izvođenja dodatnih radova svoju saglasnost su dali Zavod za izgradnju Kantona Sarajevo kao Nadzorni organ u dopisu broj: 03-4 -10522/24 od 05.11.2024. godine, kao i Univerzitet u Sarajevu Arhitekonski fakultete u svojstvu projektanta u dopisu od 05.11.2024. godine.

Procijenjena vrijednost izvođenja dodatnih radova iznosi: 461.831,78 KM bez PDV-a.

Novčana sredstva za javnu nabavku iz člana 2. ove odluke osigurana su u Budžetu Grada Sarajeva za 2024. godinu, sa pozicije: 821-500 - Projekti obnove predškolskih i školskih objekata i infrastrukture - vrtić Kolibri, sredstva po Ugovoru o dodjeli potpore iz Proračuna Federacije BiH br. 09-11-6-2-6360-U-16/24 od 24.08.2024. godine.

Shodno odredbama člana 24. tačka a) propisano je da ugovorni organ, ugovor o javnoj nabavci radova može zaključiti nakon provedene procedure u pregovaračkom postupku bez objave obavještenja o nabavci u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključen ugovor, ali koji uslijed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski, odvojiti od osnovnog ugovora bez većih nepogodnosti za ugovorni organ.

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Takav ugovor može se zaključiti sa izvođačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći iznos od 20% od vrijednosti osnovnog ugovora.

Imajući u vidu sve naprijed navedeno, ugovorni organ provodi proceduru zajedničke javne nabavke putem pregovaračkog postupka bez objave obavještenja o nabavci sa izvođačem radova sa kojim je zaključen osnovni ugovor.

U cilju zadovoljenja konkurentnosti, zainteresirani ponuđači mogu preuzeti tendersku dokumentaciju za predmetni postupak, koja će biti postavljena na službenoj web stranici Grada Sarajeva.

Pozivi za dostavljanje zahtjeva za učešće, početne ponude i konačne ponude bit će objavljeni na web stranici ugovornog organa, i bit će dostupni svim zainteresovanim ponuđačima.

Gradonačelnica

Prof. dr. Benjamina Karić